

mit dem Senckel/wie hoch der Mastbaum sene / vnd so du findest 92. Schuch: So richte das Instrument/wie du in dem vorgehenden Capitel gelehrt bist/vnd ruck das Absehen G. auff die 92. Puncten/dieweil der Mastbaum 92. Schuch hoch ist/ alsdann ruck das Absehen H. hinauß/biß daß du zu dem grund des Thurns mit beyden Absehen der gerede nach sihest/ so findest du bey dem Absehen H. 87. Puncten / so ist vnden von dem Mastbaum biß zu dem grund des Thurns 87. Schuch.

Wilt du nun auch wissen wie hoch derselbig Thurn ist / vnd wie weit von dem Instrument biß zu dem grund des Thurns sene/so thue ihm also: Ruck die Regel A E. zu dem grund des Thurns/vnd mach sie vest/vnd ruck die Regel A F. zu der höhe des Thurns/vnd mach sie auch vest/alsdann thue ihm weiter also: Rucke das Absehen G. auff den 120. Puncten zwischen den Buchstaben A E. (dieweil 120. Schuch von dem Instrument biß zu dem grund des Thurns ist) demnach hencke ein Senckel an das Absehen H. vnd ruck es hinauß / biß daß sie einander in einer gerede zutreffen/alsdann nimb die lange Regel / vnd lege sie in das Absehen G. mit dem Löchlin / vnd halte sie gegen dem Absehen H. so findest du auff der langen Regel 50. Puncten / so ist der Thurn hoch 50. Schuch.

Wilt du auch wissen/wie weit von dem Instrument zu der höhe des Thurns ist/so sihe auff der Regel F. bey dem Absehen H. auff was für ein Zahl oder Puncten es stehet/ so findestu den 90. Puncten/ so ist von dem Instrument zu der höhe des Thurns neunzig Schuch.

Das